

Esdre. II.

229

tubis et gaudio magno: intantum ut populus non audiret tubas propter planctum populi. Turba enim erat tubis canens magnifice: ita ut longe audiretur. Et audierunt inimici tribus iude et beniamin: et venerunt scire que esse. vox tubarum. Et cognouerunt quoniam qui erant ex captiuitate edificant templum domino deo israel. Et accedentes ad zorobabel et iesum et propositos pagorum: dixerunt eis: Edificabimus vna vobiscum: Similiter enim audiuius dominum nostrum: et ipsi pariter incedimus a diebus abasareth regis assyriorum: qui transiit nos huc. Et dixit illis zorobabel et iesus et principes pagorum israel. Non est nobis et vobis edificare domum dei nostri. Nos enim soli edificabimus domino israel: secundum ea que precepit nobis cyrus rex persarum. Gentes autem terre incubantes his qui sunt in iudea: et leuantes operum edificationis: et insidias et populos adducentes: prohibebant eos edificare: et aggressuras exercentes impedierunt ne consummaretur edificium omni tempore cyri regis: et preterierunt structuram per biennium usque ad dario regnum.

VI In secundo autem anno regni dario: profluxerunt aggeus et zacharias filius addin: prophete apud iudeam et hierusalem: in nomine dei israel super eos. Tunc stans zorobabel filius salathiel: et iesus filius iosedech: inchoauerunt edificare domum domini: que est in hierusalem: cum adessent eis: prophete domini et adiuuarent eos. In ipso tempore venit ad illos sylennes subregulus syrie et phenicis et sarabuzanes et sodales eius: et dixerunt eis: Quo precipiente vobis domum hanc edificare: et tectum istud et alia omnia perficitis? Et qui sunt structores qui hanc edificant? Et habuerunt gratiam uisitatione facta super eos: qui erant ex captiuitate a domino leui

res iudeorum: et non sunt impediti edificare donec significaretur dario de omnibus istis: et responsum acciperetur. Exemplum epistole: quam miserunt dario. Sylennes subregulus syrie et phenicis et sarabuzanes et sodales eius: in syria et phenice presides regi dario salutem. Omnia nota sunt domino regi: quod cum aduenissemus in regionem iudee: et introissemus in hierusalem inuenimus edificantes domum dei magnam et templumque ex lapidibus politis et magnis et preciosis materis in parietibus: et opera illa instanter fieri: et suffragare et prosperare in manibus eorum: et in omni gloria quam diligentissime perfici. Tunc interrogauimus seniores dicentes: Quo precipiente vobis edificatis domum istam: et opera hec fundatis? Ideo autem interrogauimus ut notum faceremus tibi homines et prepositos: et nomen scripturam prepositorum postulauimus illos. At illi responderunt nobis dicentes: Nos sumus serui domini qui fecit celum et terram: et edificabatur hec domus ante annos istos multos a rege israel magno et fortissimo: et consummata est. Et quoniam patres nostri exacerbantes erant: et peccauerunt in deum israel: tradidit eos in manus nabuchodonosor regis babilonie: regis chaldeorum: et domum istam demolientes incenderunt: et populum captiuum duxerunt in babilonem. In primo anno regnante cyro rege babilonie scripsit cyrus rex domum hanc edificare: et illa sacra vasa aurea et argentea que exierat nabuchodonosor rex domo que est in hierusalem: et conseruauerat ea in suo templo: rursus perulit ea cyrus rex de templo quod erat in babilonia: et tradita sunt zorobabel et salmanasar subregulo. Et preceptum est eis: ut offerrent hec vasa: et reponerent in templo quod erat in hierusalem: et ipsum templum dei edificare in loco suo. Tunc salmanasar sub